

Inscriptum habens: SANCTUS PAULUS, SANCTUS PE-
TRUS; ex altera: LUCIUS PAPA TERTIUS (7).

LXIV.

Universis Ecclesiarum prælatis mandat ut excommunicant eos qui monachis ad generale capitulum Cluniacense euntibus insidias posuerint.

(Velletri, Jul. 14.)

[D. BOUQUET, *Recueil*, XV, 414.]

Lucius episcopus, servus servorum Dei, dilectis filiis universis Ecclesiarum prælatis, in quorum diœcesibus malefactores existunt, qui monachis venientibus ad generale capitulum Cluniacense insidias ponunt, sive res proprias auferunt, salutem et apostolicam benedictionem.

Ad tantam jām, sicut accepimus, pravorum hominum malitia devenit insaniam, et ita eorum cupiditas in immensum exarsit, ut nec pudori nec religioni jam parcat; sed passim avaritiæ suæ undaque fomenta perquirant. Sicut autem nostris est auribus intimatum, quidam malefactores monachis ad generale capitulum Cluniacense venientibus ponunt insidias; et eis quos deprehendere possunt, rebus quas deferunt violenter ablatis, injurias præsumunt plurimas irrogare. Volentes itaque hujusmodi homines a tanta nequitia coercere, discretioni vestræ per apostolica scripta mandamus quatenus eos quos neveritis talibus criminibus irretitos, tandem, sicut excommunicatos, nullius contradictione obstante faciatis ab omnibus arctius evitari, donec damna illata resarciant, et de injuriis satisfacient competenter.

Datum Velletri secundo Idus Julii.

LXV.

Ad [Guidonem] Senonensem archiepiscopum.

• (Velletri, August. 5.)

[*Antiquités de Saint-Aignan d'Orléans*, p. 85.]

Lucius episcopus, servus servorum Dei, venerabili fratri Seaonensi archiepiscopo, salutem et apostolicam benedictionem.

Dilectus filius noster abbas S. Maximini transmissa nobis quæstione monstravit quod cum monasterium suum in ecclesia S. Aniani Aurelianensis præbendam quamdam de antiqua consuetudine, tempore longissimo perceperisset, decanus et canoni si sine judicio et justitia temeritate propria substraxerunt. Nos itaque providere volentes né suum monasterium in hac parte fraudetur, fraternitatil tuæ per apostolica scripta mandamus quatenus partibus convocatis, si per testes legitimos de abbatis assertione constiterit, præbendam cum perceptis fructibus monasterio facias dilatione et appellazione cessante restitu, restitutione autem facta si aliquid apparuerit quæstionis diligentius audias, et mediante justitia decidas.

Datum Velletri, Nonis Augusti.

(7) In archivio Casinensi pleraque alia regum Sardiniae diplomata comparent, vernaculo insulæ idiomate conscripta.

LXVI.

Monasterii S. Mariae Murensis protectionem suscipit possessionesque confirmat.

(Velletri, Nov. 23.)

[MANRIQUE, *Annal. Cisterc.*, III, 25.]

Lucius episcopus, servus servorum Dei, dilectis filiis PETRO abbati Sanctæ Mariæ de Murelo, ejusque fratribus, tam præsentibus quam futuris, regularem vitam professis.

Religiosam vitam professis apostolicum convenit adesse præsidium: quapropter, dilecti in Domino filii, vestris supplicationibus clementer annuimus, et præfatum monasterium, in quo divino estis obsequio mancipati, sub beati Petri et nostra protectione suscipimus, etc. Præterea quascunque possessiones, quæcunque bona idem monasterium, aut in præsenti possidet, aut in futurum poterit adipisci, firma vobis et illibata permaneant. In quibus hæc propriis duximus exprimenda nominibus: Locum ipsum de Murello, in quo prædictum monasterium situm est, cum pertinentiis suis; grangiam de Ovila cum pertinentiis suis; grangiam de Alcaraz cum appendiciis suis; grangiam de Azagron cum appendiciis suis, etc.

Datum Veronæ, nono Kalendas Decembris, indictione prima, Incarnationis Dominicæ anno 1182, pontificatus ejusdem domini Lucii papæ III anno secundo.

LXVII.

Ecclesiam Signensem tuendam suscipit et ejus bona ac privilegia confirmat.

(Velletri, Dec. 2.)

[UGELLI, *Italia sacra*, I, 1257.]

Lucius episcopus, servus servorum Dei, venerabili fratri PETRO Signino ejusque successoribus canonice intrantibus in perpetuum.

Et ordo rationis expostulat; et ecclesiast. utilitatis consideratio nos invitat fratres et coepiscopos nostros ampliori charitate diligere, et commissas eorum gubernationi Ecclesias patrocinio sedis apostolicæ propensius communire, quo ex suscepti execuzione officii tanto vigilantes possint semper existere, quanto a prævorum incursibus securiores se viderint permanere. Eapropter, ven. in Christo frater episc., tuis justis postulationibus clementer annuimus, et Signinam Ecclesiam, cui Deo auctore præses dignosceris, ad exemplar felicis recordationis Alexandri papæ, prædecessoris nostri, sub B. Petri et nostra protectione suscipimus, et præsentis scripti privilegio communimus, statuentes ne quæcunque possessiones, quæcunque bona eadem Ecclesia sive in dominibus, casularibus vel extra civitatem, aut in vineis, arboribus fructiferis et infructiferis, seu in terris cultis et incultis, nemoribus, pratis, aquis, molendinis, et pascuis, aut in aliis tam in montibus, quam in planicie in præsentiarum juste et canonice possidet, aut in futurum concessione pontificum, largitione regum, vel principum,